



Broj: 05-2696-5/16  
Sarajevo, 04. 07. 2016. godine

Na temelju člana 64. stav (1) tačke b) Zakona o javnim nabavkama („Službeni glasnik BiH“, broj: 39/14, u nastavku: Zakon), člana 70. stav (1), (3) i (6) Zakona, preporuke komisije iz Zapisnika o pregledu i ocjeni ponuda broj: 05-2696-4/16 od 01. 07. 2016. godine i člana 22. Statuta Agencije za bankarstvo Federacije BiH („Službene novine Federacije BiH“, broj: 42/04), direktor Agencije za bankarstvo Federacije BiH donosi

**ODLUKU**  
**o izboru najpovoljnijeg ponuđača u postupku javne nabavke roba - tonera za potrebe**  
**Agencije za bankarstvo FBiH**

**Član 1.**

Prihvata se preporuka komisije za provođenje postupka javne nabavke tonera za potrebe Agencije za bankarstvo Federacije BiH (u nastavku: Agencija) putem postupka konkurentskog zahtjeva za dostavu ponuda i okvirni sporazum se dodjeljuje ponuđaču ALF-OM d.o.o. Banja Luka, na period od godine dana od dana obostranog potpisivanja sporazuma.

**Član 2.**

Ukupna ponuđena cijena okvirnog sporazuma iz člana 1. ove Odluke, iznosi 18.345,00 KM, bez poreza na dodanu vrijednost (PDV), što u konačnici, s uračunatim PDV-om, iznosi 21.463,65 KM.

**Član 3.**

U skladu s članom 70. stav (6) Zakona, Agencija će objaviti ovu Odluku na svojoj internetskoj stranici [www.fba.ba](http://www.fba.ba), istovremeno s upućivanjem iste ponuđačima koji su učestvovali u ovom postupku.

**Član 4.**

Ova Odluka stupa na snagu danom donošenja i dostavlja se svim ponuđačima koji su sudjelovali u postupku javne nabavke, saglasno članu 71. stav (2) Zakona.

**OBRAZLOŽENJE**

Agencija je pokrenula postupak javne nabavke tonera Odlukom o pokretanju postupka javne nabavke broj: 05-2696/16 od 21. 06. 2016. godine. Obavještenje o nabavci predmetnih usluga objavljeno je na Portalu javnih nabavki dana 21. 06. 2016. godine pod brojem 3010-7-1-104-3-19/16.

Javna nabavka je provedena putem konkurentskog zahtjeva za dostavu ponuda, s namjerom zaključivanja okvirnog sporazuma s jednim ponuđačem. Kao kriterij za dodjelu sporazuma odabrana je najniža cijena tehnički zadovoljavajuće ponude.

U skladu s Obavještenjem o nabavci i Tenderskom dokumentacijom (u nastavku: TD), javno otvaranje ponuda obavljeno je u poslovnim prostorijama Agencije u Sarajevu, Zmaja od Bosne 47b, što je evidentirano u Zapisniku o otvaranju ponuda, broj: 05-2696-3/16 od 29. 06. 2016. godine, u kojem je konstatovano da su ponude po ovom predmetu nabavke podnijeli ponuđači: ALF-OM d.o.o. Banja Luka i EXCLUSIVE d.o.o. Zenica.

U skladu s utvrđenom procedurom, saglasno članu 65. Zakona, komisija je izvršila pregled i ocjenu ponuda navedenih ponuđača, te na osnovu izvršene analize istih, u ponudi ponuđača EXCLUSIVE d.o.o. Zenica ustanovila sljedeće nepravilnosti:

- Ponuđač EXCLUSIVE d.o.o. Zenica u dostavljenoj ponudi nije izvršio numerisanje stranica u skladu s tačkom 14. Način pripreme ponude, pasus 6. i 7. TD, odnosno ponuđač je propustio numerisati stranice na kojima je izvršena ovjera dokumenata čime je narušen kontinuitet numerisanja stranica.

Slijedom navedenog, komisija je predložila da se ponuda navedenog ponuđača odbije, u skladu s članom 68. stav (4) tačke i) Zakona.

Ponuda ponuđača ALF-OM d.o.o. Banja Luka jedina je prihvatljiva ponuda koja ispunjava zadane uslove iz TD. U vezi s navedenim, primjenjući kriterij najniže cijene, a saglasno članu 69. stav (1) tačke a) Zakona, komisija je jednoglasno predložila da se okvirni sporazum u postupku javne nabavke tonera dodijeli ponuđaču ALF-OM d.o.o. Banja Luka, što je evidentirano u Zapisniku o pregledu i ocjeni ponuda, broj i datum iz uvodnog dijela ove odluke.

Uvažavajući navedeno, direktor Agencije prihvatio je prijedlog komisije te donio Odluku kao u dispozitivu.

#### **POUKA O PRAVNOM LIJEKU:**

Protiv ove Odluke može se izjaviti žalba u roku od 5 (pet) dana od dana prijema ove Odluke. Žalba se izjavljuje Ugovornom organu – Agenciji za bankarstvo Federacije BiH u pisanoj formi, direktno, elektronskim putem ili preporučenom poštanskom pošiljkom. Žalbu je potrebno podnijeti u dovoljnom broju primjeraka koji ne može biti manji od 3 (tri).



Dostaviti:

- svim učesnicima u postupku
- a.a.